

TEZAUUR LITURGIC
8 NOIEMBRIE

ACATISTUL
SF. ARHANGHEL
MIHAIL



TBILISI, 2000



დაუჯდომელი გალობა წმიდისა მთავარანგელოზისა მიქაელისა

კონდაკი 1

ზესთა აღრჩეულო, ზეცისა ძალთა ერის მთავარო და
კაცთა ნათესავისა თანამდგომელო, აჰა, ესერა შენ
მიერ ხსნილნი განსაცდელთაგან გალობასა
სამადლობელსა შევსწირავთ შენდა - წინაშე
მდგომარესა დიდებულისა მიერ მეუფისა საყდრისა,
ყოველთა ჭირთაგან განმათავისუფლენ ჩვენ, რათა
სარწმუნოებითა და სიყვარულით გაქებდეთ შენი
მხილველნი: გიხაროდენ, მიქაელ, დიდო მთავარო
ყოველთა ზეცისა ძალთაო!

იკოსი 1

გაქებთ შენ ვითარცა ცეცხლოვან ანგელოსთა
წინამდგომარესა, ანგელოსთა უკუე ხმითა ჯერ არს
ქებად შენდა, მიქაელ, გარნა ვიდრე შენ მიერ
შთაგონებულნი ვისწავებთ უსხეულოთა
მეტყველებათა, ისმინე ბაგეთა ჩვენთაგან
სამადლობელი ესრეთ:

გიხაროდენ, ვარსკვლავო სოფლისაო, პირველ
სახოვანო;

გიხაროდენ, ჭეშმარიტებისა და სიმართლისა

სანთელო, ოქრო ცისკროვანო;
გიხაროდენ, შარავანდედო შეუქმნელისა ნათლისაო,
ანგელოსთასა მდგომარეთა პირველ მემკვიდრეო;
გიხაროდენ, ანგელოსთა და მთავარანგელოსთა
მთავარო;
გიხაროდენ, რომელსა შინა ფრიად უაღრეს ნათობს
დიდებაი შემოქმედისა მარჯვენისაი;
გიხაროდენ, რომლისაგან განბრწყინდებიან კრებულნი
ყოველთა უსხეულოთა არსებათანი;
გიხაროდენ, მიქაელ, დიდო მთავარო ყოველთა
ზეცისა ძალთაო.

კონდაკი 2

წინათ მხილველნი სარწმუნოების თვალითა
სულიერის სიმშვენერისა და ძალისა ელვის
მაწვენელისა მფარველობისა შენისა,
მთავარანგელოზო ღვთისაო, ჩვენ ვითარცა მიწიერნი
და სხეულმოსილნი, განკვირვებით სიხარულით
აღვსებულნი ყოველთა შემოქმედისადმი ყოველთა
ზეცისა ძალთა მადლობით ვხმოვთ: ალილუია.

იკოსი 2

ცნობა - წმინდა და თავისუფალი ვნებათაგან -
გვითხოვე ჩვენ, ყოვლად საკვირველო მიქაელ,
მთავარო ზეცისა წესთაო, რათა ამაღლებულნი

გონებით ქვეყანით ზეცად, გიგალობდეთ შენ ქებისა
გალობასა:

გიხაროდენ, ღვთისა გამოუთქმელისა შვენიერებისა
და სიკეთისა უმახლობელესო თვალით მხედველო;
გიხაროდენ, ყოვლადსახიერთა განზრახვათა
ყოვლადწმინდისა სამებისათა
ყოვლადუგულითადესო მესაიდუმლო;
გიხაროდენ, პირველ საუკუნეთა სიმართლითა
მსჯავრთა სამებისათა სარწმუნოდ აღმასრულებელო;
გიხაროდენ, რომლისა სიყვარულით განჰკვირდებიან
ზეცისა მხედრობანი;
გიხაროდენ, რომელსა სარწმუნოებითა და ქებით
გადიდებენ ქვეყანისა ნათესავნი;
გიხაროდენ, რომლისაგან უძღურებითა ძრწიან
ჯოჯოხეთისა ძალნი;
გიხაროდენ, მიქაელ, დიდო მთავარო ყოველთა
ზეცისა ძალთაო.

კონდაკი 3

ძალი უძღვეელი მოშურნეობისა დიდებისათვის
ღვთისა გამობრწყინდა შენში, წინამდგომარე ხარ
წინაშე ანგელოსთა დასთა, მიქაელ, საბრძოლველად
წინააღმდეგ ბოროტად მკსინვარისა ამპარტავნისა
სატანისა, რომელი ბოროტთა ძალთა თანა
სიმაღლითგან ზეცისა ქვესკნელსა დააკვეთე, ძალნი

ცათანი, შენ მიერ დიდებულად ძლომილნი,
სიხარულითა, ვითარცა ერთითა პირითა, წინაშე
საყდრისა მეუფისასა აღიმსობენ: ალილუია.

იკოსი 3

შემწე ხარ დიდი და საკვირველი, მთავარანგელოსო
მიქაელ, ყოველთა ნათესავთა ქრისტიანეთა ბრძოლასა
შინა წინაშე წინააღმდეგობთა, ამისთვისცა, რათა ღირს
ვიქმნეთ საფარველსა შენსა საკვირველსა, დღესა შინა
ხსენებასა დღესასწაულისა შენისასა, ვხმობთ:

გიხაროდენ, სატანისა ვითარცა ელვისა
გადმომგდებელო;

გიხაროდენ, რომლისა მიერ დაცულნი ვაცთა
ნათესავნი ზეცასა აღმავალ იქმნებიან;

გიხაროდენ, ყოვლადბრწყინვალისა საყდრისა
საკვირველო შემამკობელო;

გიხაროდენ, დაცემულისა ქვეყანისა დიდებულო
შემწეო;

გიხაროდენ, ბოროტ ძალთაგან დაუმარცხებელო;

გიხაროდენ, ყოველთა უფლისა ანგელოსთა თანა
ჭეშმარიტებასა და სიმართლესა შინა მადლითა
ღვთისათა დამყარებულო;

გიხაროდენ, მიქაელ, დიდო მთავარო ყოველთა
ზეცისა ძალთაო.

კონდაკი 4

ღელვათა, ჭირთა და განსაცდელთაგან გვიხსენ ჩვენ,
ანგელოსთა პირველ-მოსაყდრეო, სიყვარულითა და
მხიარულებით ყოვლად ბრწყინვალისა
დღესასწაულისა შენისა აღმასრულებელნი, რამეთუ
შენ ხარ ჭირთა შინა შემწე დიდი და, ჟამსა
სიკვდილისასა, სულთა ბოროტთაგან მფარველი და
შენდამი, და ჩვენისა მეუფისა და ღვთისადმი
მღალაღებელ ყრმათა მშველელი. ალილოუია.

იკოსი 4

კადნიერება შენი, წინააღმდეგ გუნდისა მის
სატანასთა, ყოველნი ანგელოზთა წესნი სიხარულით
შეიძრნეს შედგომად შენდა და ბრძოლად მათდა
სახელისათვის და დიდებისა თვისთა მეუფისა,
მღალაღებელნი: ვინ არს, ვინ ვითარცა ღმერთი, ჩვენ
უკუე მხედველნი ფერხთა ქუეშე შენთა დაცემულისა
მის სატანისა, ვითარცა შენ მიერ ძლეულისა, ვხმობთ
შენდამი ესრეთ:

გიხაროდენ, რომლისაგან სულნი ბოროტნი ვიდრე
ჯოჯოხეთადმდე დაეცნეს;
გიხაროდენ, უხილავისა მის სოფლისა ანგელოზთა,
მხედრობათა და ძალთა, ბოროტისა მის სატანისა
მოსპოლვად მმართველო;

გიხაროდენ, შფოთთა და აღმღვრევათა ხილულისა
ამის სოფლისა სტიქიონთა უხილავად
დამაცხრობელო;

გიხაროდენ, აღყვანებულისა ცისა ქვეშე მებრძოლთა
მათ ბოროტთა საკვირველო წინამბრძოლო;

გიხაროდენ, წუთისოფლისა ამის ჭირითა და
განსაცდელით მოუძღურებულთა ძლიერო შემწეო;

გიხაროდენ, მიქაელ, დიდო მთავარო ყოველთა
ზეცისა ძალთაო.

კონდაკი 5

ღვთივ სისწორით მეცევი წყარო
ყოვლადდიდებულთა სასწაულითა გამოსჩნდი შენ
ხონას ტაძარსა შინა, არათუ ოდენ მას ადგილსა ზედა
დამკვიდრებული დიდი, საშინელი გველი ძალითა
შენითა შემუსრე, არამედ მღელვარებაც იგი წყალთა,
და ყოველნი ხორციელნი უძღურებანი განჰკურნენ
გამოცხადებითა, რათა ყოველნი მადიდებელნი შენნი,
მეუფესა მის ანგელოზთასა, სარწმუნოებით
ვხმობდეთ: ალილუია.

იკოსი 5

მსმენელნი და მცნობელნი შენნი, ვითარცა დიდისა
მნათობისა, ანგელოსთა გუნდთა შორის
ბრწყინვალისა, ყოვლად საკვირველო მიქაელ,

შემდგომად ღვთისა და ყოვლად წმინდისა დედისა ღვთისა, შენდამი მოვილტვით: განგვაცისკროვნე ჩვენ ყოველნი შარავანდედითა ნათლისა შენისათა, მღალადებელნი შენდა ესრეთ:

გიხაროდენ, წინამძღოლო და მფარველო უდაბნოსა შინა ღვთივრჩეულისა ერისა შენისაო;

გიხაროდენ, მაღალო მოსამართლო სჯულისაო, ხელითა მოსესითა სინას ზედა მოცემულისა;

გიხაროდენ, რომლისაგან ისრაელთა მსაჯულნი და წინამძღვარნი ძალსა და საფარველსა მოიპოვებდნენ;

გიხაროდენ, რომლისა ძლით წინასწარმეტყველნი და მღვდელთმთავარნი იუდიანთანი შესაწირავთა

ცნობასა ყრმათა მეცნიერისა ღვთისაგან მიიღებდნენ;

გიხაროდენ, ღვთის მოშიშთა სჯულისმდებელთა საიდუმლოითა სიბრძნითა აღმავსებელო;

გიხაროდენ, მსჯავრისა და სიმართლის

მოქმედთათვის გულთა შინა მადლისა დამნერგველო;

გიხაროდენ, მიქაელ, დიდო მთავარო ყოველთა ზეცისა ძალთაო.

კონდაკი 6

ქადაგი საღმრთოთა განგებულებათა, ოდეს გიხილა რა მანოემ, უმეცრების შიშით აღვსებულმა, გაგონებდა არაქვეყნიურ მცხოვრებსა, ისწავა რა ცოლისაგან თვისისა, მშვიდისა და სახიერისა, სიტყვათა შენთა

გამოცხადებაი, სიტყვისაებრ შენისა სიხარულით
მგულვებელი შობისათვის ძისა თვისისა სამფსონისა,
მადლობითა უფალსა უღალადებდა: ალილუია.

იკოსი 6

გამობრწყინდი ყოვლად საკვირველითა დიდებითა,
მიქაელ, რაჟამს სახითა კაცისათა წარმოსდეგ წინაშე
ისუ ნავესისა და არქუ მას: წარიხადენ სანდალნი
ფერხთაგან შენთა, რამეთუ ვარ მთავარი ძალთა
უფლისათა, ესრეთ საკვირველსა გამოცხადებასა შენსა
სიყვარულით ვგალობთ შენდამი:

გიხაროდენ, ღვთივგვირგვინოსანთა თავთა
დაუძინებელო მფარველო;

გიხაროდენ, წინააღმდეგთა ხელმწიფებათა, ვითარცა
ღვთისა ბრძანების პირისპირმბრძოლთა მსწრაფლ
დამამხობელო;

გიხაროდენ, ერის მღელვარებათა დამამშვიდებელო;

გიხაროდენ, ურწმუნოთა ჩვეულებათაგან უხილავად
განმათავისუფლებელო;

გიხაროდენ, რამეთუ შენ განანათლებ ხედვად

ჭეშმარიტებისა იჭვნეულთა ჟამსა შინა

ბოროტუმეცრებისა;

გიხაროდენ, რამეთუ შენ გამოიხსნი შებრკოლებულთა
წარმწყმედელთა ცდუნებათაგან;

გიხაროდენ, მიქაელ, დიდო მთავარო ყოველთა ზეცისა ძალთაო.

კონდაკი 7

ენება მეუფესა ყოველთასა ჩვენებად, რამეთუ ხვედრნი ძეთა კაცთანი არა თავით თვისით შემთხვევით არიან, არამედ იპყრობს მარადის მარჯვენასა შინა მისსა, ვინაიცა მოგცა შენ ფლობა ქვეყნიერთა შემწედ და მფარველად, რათა ტომთა და ერთა საუკუნო სასუფეველისადმი ღვთისა განამზადებდე, ამისათვის ყოველნი მცნობელნი დიდისა მსახურებისა შენისათვის ცხოვრებად კაცთა, მადლობით ღვთისადმი ვხმობთ: ალილუია.

იკოსი 7

ახალი სასწაული საკვირველი გვიჩვენა ჩვენ, მთავარანგელოსო, შენ მიერ ქვეყანასა ზედა ყოველთა დამზადებელმან და მეუფემან, ოდეს სახელსა შენსა ზედა აღშენებული ტაძარი წარღვნისაგან წყალთასა საკვირველად განარინე და წარმღვნელნი ღელვანი გულსა შინა ქვეყანისათა ბრძანებით შთაადინენ, რომლისა მხილველი ნეტარი არქიპო თვისთა სულიერთა შვილთა თანა გიღალადებს შენ:

გიხაროდენ, წმიდათა ღვთისა ეკლესიათა
შეუმუსვრელო ზღუდეო;
გიხაროდენ, მტერთაგან ქრისტეს სარწმუნოებისათა
ყოვლად უძლეველო სიმაგრეო;
გიხაროდენ, რომლისა ბრძანებათა სტიქიონნი
დაემორჩილებიან;
გიხაროდენ, რომლისა მიერ ყოველნი ბოროტნი
განზრახვანი შეიმუსრებიან;
გიხაროდენ, მორწმუნეთათვის საყდრისაგან ყოვლისა
მპყრობელისა სიხარულისა გამომღებელო;
გიხაროდენ, ურწმუნოთა სიმართლისა და
ჭეშმარიტებისა გზათა ზედა მომყვანებელო;
გიხაროდენ, მიქაელ, დიდო მთავარო ყოველთა
ზეცისა ძალთაო.

კონდაკი 8

უცხო საკვირველება ძლიერებათა შენთა, ანგელოსო
ღვთისაო, იხილა თავსა ზედა თვისსა ამბაკომ, ოდეს
წამის ყოფითა ღვთისათა წარტაცებით მიგყავდა იგი
მსწრაფლმსრბოლობით ურიასტანით ბაბილოვნად,
მიცემად საზრდელისა დანიელისად, მღვიმესა შინა
ლომთასა შთაგდებულისა, ვინაცა განცვიფრებულნი
ყოველთა დიდებულისა ძლიერებისა შენისა
მოქმედებათა ვლადადებთ სარწმუნოებით: ალილუია.

იკოსი 8

ყოვლად პატივდებულ ხარ მაღალთა შინა, მიქაელ, წინაშე საყდართა მეუფისა დიდებისა მდგომარე და არა შორსა ხარ ქვეყანათაგან, ცხოვრებისათვის კაცთასა იბრძვი მარადის მტერთა თანა, ამისთვის ყოველნი ფრიად სატრფიალოსა სამშობლოსა მას ზეცისათა მიწევნად მსურველნი ერთხმობით ვლალალებთ შენდა:

გიხაროდენ, მთავარანგელოსო, სამწმიდა არსობისა მგალობელთაო;

გიხაროდენ, ქვეყნიერთა ნათესავთა მარადის შუამდგომელად და მფარველად განმზადებულო;

გიხაროდენ, ყოვლად ამპარტავანისა ფარაოსა და ურწმუნოთა მეგვიპტელთა სასწაულითა დამნთქმელო;

გიხაროდენ, ჰურიათა უდაბნოსა შინა დიდებულად წინამძღომელო;

გიხაროდენ, რომლისაგან დაივსო ალი იგი სახმილისა მის ბაბილოვნისა;

გიხაროდენ, მიქაელ, დიდო მთავარო ყოველთა ზეცისა ძალთაო.

კონდაკი 9

ყოველნი მონაზონნი წმიდისა მთისა ათონისა სიხარულითა და ძრწოლით მოვიდოდენ, ვითარ ღვთის მოშიში ყრმა, სიცოფითა უსჯულოებისათვის, ოქროს მოყვარეთაგან სიღრმესა შინა ზღვისათა ქვითურთ შთაგდებული აცხოვნე, ამისათვის შეწყნარებული მისი სავანე სახელითა შენითა განეშვების მაღლობით მღალადებელი უფლისადმი: ალილუია.

იკოსი 9

რიტორთა ხმანი და სიბრძნის მოყვარეთა გულის ხმისყოფანი ვერ შემძლებელნი გამოთქმად ძლიერებათა შენთა, მიქაელ, თუ ვითარ ერთსა ღამესა შინა ასოთხმოცდახუთი ათასი მოჰსწყალ ასურეთისა მეფისა სენაქირიმის მხედართაგანი, გარნა დასაჯე იგინი არა გმოზად სახელისა უფლისა. ჩუენ უკუე პატივს-ვჰსცემთ მას, წმიდასა მოშურნეობასა შენსა, დიდებისათვის ჭემმარიტისა და მხიარულებით შენდამი ესრეთ აღვიმსთობთ:

გიხაროდენ, ბოროტ მოწამეთა ბრძოლათა დამცემელო და შემაშინებელო;

გიხაროდენ, მართლისა სარწმუნოებისა და ღვთის პატივისცემისა დამნერგველო;

გიხაროდენ, სულთა წარმწყმედელთა წვალებათა და
განდგომილებათა აღმომფხვრელო;
გიხაროდენ, კეთილმორწმუნეთა მაკაბელთა
სარბიელსა ზედა ბრძოლისასა მრავალგზის
გამაძლიერებელო;
გიხაროდენ, უღვთოისა მის მხედართმძღვანებლისა
ანტიოხოზის თვით ილიოდორის ტაძარსა შინა
მწყვლელო;
გიხაროდენ, მიქაელ, დიდო მთავარო ყოველთა
ზეცისა ძალთაო.

კონდაკი 10

ცხოვრების მსურველთა გვექმნები შემწე მტკიცე
მთავარანგელოსო ღვთისაო, გვიხსნი და გვიფარავ
ჩვენთა ჭირთა და განსაცდელთაგან, უმეტეს
ბოროტთა ჩვეულებათა და ცოდვათაგან ჩვენთა, რათა
წარმატებულნი სარწმუნოებითა, სასოებითა და
სიყვარულითა ქრისტესითა, გახარებულნი
საკვირველისა შეწევნისა შენისა მიერ, მეუფისა
მიმართ ანგელოსთა და კაცთასა მაღლობით ვხმობთ:
ალილუია.

იკოსი 10

ზღუდე ხარ მორწმუნეთა კაცთა, მთავარანგელოსო
ღვთისაო და გოდოლ მტკიცე ბრძოლათა შინა

ხილულთა და უხილავთა მტერთა თანა, ამისათვის
შენ მიერ ხსნილნი საეშმაკოთა ბადეთაგან, მადლობასა
გულითა და პირით ვხმოვთ შენდამი ესრეთ:

გიხაროდენ, მტერთა სარწმუნოებისა და
წინააღმდეგომთა წმინდისა ეკლესიისათა პირისპირ
მბრძოლო უძლეველო;

გიხაროდენ, მდაბალთა მქადაგებელთა სახარებისათა
დაუცხრომელად წარმმართველო;

გიხაროდენ ბნელსა შინა ბოროტმორწმუნეობისა
მსხდომარეთა, ნათლითა ქრისტეს სარწმუნოებისათა
განმანათლებლო;

გიხაროდენ, ცრუ-სიბრძნით განცოფებულთა,
ჭეშმარიტებისა და სინანულისა გზასა ზედა
წარმძლომელო;

გიხაროდენ, ამაოდ სიცრუითმფიცავისა სახელისა
ღვთისა მრისხანედ შურისმგებლო;

გიხაროდენ, რისხვის ელვისა დამცემელო
დასასჯელად უგუნურად განმკიცხველთა
საიდუმლოთა სარწმუნოებისათა;

გიხაროდენ, მიქაელ, დიდო მთავარო ყოველთა
ზეცისა ძალთაო.

კონდაკი 11

ხელობა ყოველი ქებისა იძლევის სიმრავლითა
სასწაულთა შენთათა, მთავარანგელოსო ღვთისაო,

რომელნი აღსრულებულ არიან შენ მიერ არა ოდენ ცათა შინა და ქვეყანასა ზედა, არამედ ბნელსა შინა აჩრდილთა ქვესკნელისათა, სადაცა სიღრმესა გველი შეჰკარი საკვირველითა ძალითა უფლისათა, ხოლო სიბოროტეთაგან მისთასა ხსნილნი - ვაკურთხევთ მეუფესა ცათა და ქვეყნისასა, მხმობელნი ესრეთ: ალილუია.

იკოსი 11

ნათლით მოსილი მსახური ჭეშმარიტებისა და სიწმიდისა ღვთის პატივისცემისა გამოსჩნდი, მთავარანგელოსო, ოდეს წინათ იხილე მზაკვრება სულისა მის ბნელისა, აღუკრძალე მას სახელითა ღვთისათა, რათა არა კადნიერ იქმნას გამოჩენად დაფარულისა გვამისა განსვენებულისა ისრაელთა ერის წინამძღოლისა მოსესი, ღვთად შერაცხვით მგრძნობელთა ძეთა ისრაელისათა: ვინაცა პატივს ვსცემთ აწ ღვთივბრწყინვალესა კრებასა შენსა და მადლობით გიღაღადებთ შენ:

გიხაროდენ, დღეთა შინა ძველისა აღთქმისათა ისრაელთა შორის ღვთის უწყებისა სიწმიდით დამცველო;

გიხაროდენ, ღვარძლიანისა ცთომილებისა, დღეთა შინა ახლისა, აღთქმისათა მაღლისათა მრავალგზის აღმომფხვრელო;

გიხაროდენ, საწარმართოთა, სამისნოთა და
საკერპოთა დამამხობელო;
გიხაროდენ, მოღვაწეთა და ვნებათა მომთმენ
ქრისტიანეთა განმადლიერებელო;
გიხაროდენ, უძღურთა სულთა ძალითა ღვთისათა
აღმავსებელო;
გიხაროდენ, მოუძღურებულთა ხორციითა ყოვლითა
საჭურველითა სარწმუნოებისათა შემმოსველო;
გიხაროდენ, მიქაელ, დიდო მთავარო ყოველთა
ზეცისა ძალთაო.

კონდაკი 12

მადლი გვითხოვე ჩვენ, ზეცით ღვთისაგან,
მგალობელთა, სადიდებლად ყოვლად პატიოსნისა
სახელისა შენისა, მიქაელ, რათა საგრილითა შეწევნისა
შენისათა ყოვლითა კეთილმორწმუნეობითა და
სიწმიდითა ვცხოვნდებოდეთ, ვიდრე განხსნამდე
სიკვდილითა ხორციელთა საკრველთაგან,
ღირსქმნილნი წარდგომად ცეცხლის სახედთა
საყდართა მეუფისა დიდებისა და ანგელოსთა
გუნდთა თანა ვუგალობდეთ და ვლაღაღებდეთ:
აღილუია.

იკოსი 12

მგალობელნი საცხოვნებელად ჩვენდა ქმნილთა მრავალსახეთა სასწაულთა შენთანი, მიქაელ, ვევედრებით უფალსა და მეუფესა ყოველთასა, რათა დიდებისათვის ღვთისა, რომელი არს შენს შორის, სული გულმოდგინებისა არაოდეს მოგვაკლოს ჩვენ მხმობელთა შენდამი ესრეთ:

გიხაროდენ, მორწმუნეთა მონათა ღვთისათა შესაბამ დროსა ყოვლად საკვირველის უფლების სიმაღლესა ზედა დამადგინებელო;

გიხაროდენ, ამჰარტავანთა და უღირსთა მადლით, ძალითა და დიდებითა უხილავად დამცემელო;

გიხაროდენ, უკანასკნელსა დღესა რჩეულთა ოთხკიდით ქვეყანიდან შემკრებელო;

გიხაროდენ, რომლისაგან ცოდვილნი, ვითარცა ღვარძლნი, ბრძანებისაებრ ღვთისა, ცეცხლსა საუკუნესა მიცემულ იქმნებიან;

გიხაროდენ, რომლისაგან სატანა და ანგელოსნი მისნი ტბასა მას შინა ცეცხლისასა საუკუნოდ შთაგდებულ იქმნებიან;

გიხაროდენ, რომლისაგან მართალნი ყოვლად დიდებულსა საყოფელსა მამისა ზეცათასა დაიმკვიდრებენ;

გიხაროდენ, მიქაელ, დიდო მთავარო ყოველთა ზეცისა ძალთაო.

კონდაკი 13

ჰოი, ყოვლად საკვირველო, მთავარანგელოსთა და ანგელოსთა მთავარო, ყოვლად განსაცვიფრებელისა მსახურებისა შენისა ცხოვნებისათვის კაცთა ნათესავისა, მიიღე ჩვენგან აწ შეწირული შენდა ხმა ქებისა და მადლიერებისა და ვითარცა ღვთისა ძალითა აღვსებულმან, დაგვიფარენ ჩვენ უნივთოითა ფრთითა შენითა ყოველთა ხილულთა და უხილავთა მტერთაგან, რათა შენ მიერ დიდებულსა და განმადიდებელსა შენსა უფალსა მარადის ვულაღაღებდეთ: ალილუია, ალილუია, ალილუია.

ეს კონდაკი იკითხება 3-გზის; და კვალად - იკოსი 1: „გაქებ შენ...“ და კონდაკი 1: „ზესთა აღრჩეულო...“

